

Pɔɔlu kadasi ciciri su bo i kerɛ fa maari TIMOTI ni

¹ Mini Pɔɔlu sukere ahin kadasi n a. M ti Yesu Kristo jaramasa a, Nyeme bo i ti ya Tiidefo ni, yiri ama m nɔɔ ka m yo nyini juma n a, i ni Yesu Kristo bo i ma ya tama ni.

² M sukere ahin kadasi n ma wɔɔ Timoti wɔ, a ti ka m wa a nahɔre su, dama mini ni wɔɔ yo yarada kun wɔ. Ya Si Nyeme, ni ya Mibiɛ Yesu Kristo buka u, na bu si u aɲunfo, na bu ma u ahoreda.

*Am si am ɲu sa ni minɛm bo bu kereewa kɔ
má atin su ni*

³ M koro ka a wo Efeso miɛ kpiri n nu, kabo sanga bo m sukɔ Makɛdoniya dɛɛ awɔre n nu na m seeri u ni. Minɛ nbem wo dɔ bo bu kereewa kɔ má atin su, i ti ye ni ka a ma bu nɔɔ ka bu yaki nyini kereewa ni. ⁴ Se bu na bu yaki kɔre jɔrem, ni nana dumam beberebe ni. Nyini jɔrem fa akuruwa ba a. Bu koro buka má sɔnɔ na i yo deke n bo Nyeme koroori ka i yo i. Be koro yo má kabo Nyeme koro, má ka i mi ayo i yarada. ⁵ Deke n bo i ti na m maari u ahin nɔaniɛ n la ka, i fa koro ba a, nyini koro n fite ahorembaa fofoe wɔ, ni sunsunni kpa, ni yarada nahɔre su. ⁶ Nyini mine n nbem amini ahin kereewam ni, na bu subo anzama ɲgbɛɛɲgbɛɛn. ⁷ Bu koro ka bu yo Nyeme nɔaniɛ kerefɔm, bu kan i ni ahoresi wɔ,

ama, berε ni bu tii si má bu tiεngu nɔaniε jɔjɔ-wa n bu.

⁸ Ya si ka Nyεmε nɔaniε kpamaawa ni ti kpa a, nzen ya bitaari i kabo i ti ye ni ka ya bita i ni.

⁹ Ya kaaki si nu ka, ba fa má nɔaniε kpamaawa n ase má sakpayofɔm n ti wɔ, ama, ba fa ase ama minem bo bu ma má Nyεmε nɔaniε kpamaawa n jirima n wɔ, ni bo bu kete i ni, ni bo bu soro má Nyεmε ni, ni bo bu nati yo satie ni, ni bo bu woo-wa ti má casi ni, ni bo bu bu Nyεmε ηgbεen ni, ni bo bu nati kun mine ni, ni bo bu kun bu nim ni bu sim mmɔɔ ni. ¹⁰ Fa kɔ bo bu nati yo sakaraya ni, ni bo bu nati fa bu ηu kaaki ka nbaram na bu ni bu benggu nbiesɔm sanɔa da ka bara ni biesɔ dεε su ni, ni bo bu tara minem fanɔa tɔ bu ni, ni bo bu bu kɔrε ni, ni bo bu di kɔrε daani ni, ni sa kεrε bo i kɔ má kereewa kpa atin su ni, berε kεrε dεε ti, ye ba fa nɔaniε kpamaawa n ase n a. ¹¹ Nyini kereewa n fite Nyεmε labari kpa n nu wɔ, bo Nyεmε afa ama m ka m kan kere minem ni. Labari kpa n ti Nyεmε kpiri n dεε wɔ, yiri ti ye ni ka minem kansɔ i a.

Pɔɔlu daari Nyεmε asi fa kɔ kabo Nyεmε siiri i aɔunfɔ ni

¹² M da ya Mibiε Yesu Kristo asi ka, yiri ye wɔ ma m fanɔa, na m koro yo m juma n a. M da i asi ni kabo wɔ bu m ka m la dabuηu, na wɔ yi m ka m su i ni, ¹³ haari ni bo m yo jɔjɔ wuraari i ηgasi nu, na m kpiεeri i nzukɔ, na m kereeri i wuwuruwa ni, ama, nyini n kεrε ni, Nyεmε siiri m aɔunfɔ ɔ, dama m yo nya yo má i yarada, nyini ti, m yo si má sa bo m yo i ni. ¹⁴ Na yiri Mibiε

n ama ma di i ahoroma ako asin su, na wo ma ma yo i yarada na m koro minem, kabo ya ni Yesu Kristo ayo kun n dæe ti. ¹⁵ Ahin noanië n ti nahore wo, i ti ye ni ka sono kere de i ni bu saa nnyo, yiri la ka, Yesu Kristo baari durunya n nu ka i ba de satieyofom tii ji wo. Mini ti sono bo m satie taraari sono kere dæe a. ¹⁶ Ama, Nyeme siiri m anjufo. I yoori so o, adena Yesu Kristo koro kere kabo i la sawore beberebe ni mini bo m satie sunnu taraari sono kere dæe ni. I yoori nyini so o, adena i fa m fa kere minem bo bu ba ka sin ni, na bu yo i yarada nya ngoo bo i la ma awieeri ni. ¹⁷ Yiri ti Feme Kpiri a, na i femeya n la ma awieeri, i wo bere wo sangha kere, na be gusu koro nu ma i, yiri ngumi kpein ti Nyeme a, i ti ye ni ka minem kere kansu i na bu ma i jirima. Ami.

¹⁸ M wa Timoti, m sufa ahin noanië n fa wura u saa n nu wo lee, i su kabo Nyeme noanië kanfom du mo jooori i fa ko u do n su wo. Fa nyini noaniem ni yo ka u biesoya nengem na a fa kun lue nyunyumi, ¹⁹ na a bita u yarada ni sunsunni kpa. Nbem akete ka bu fa ma sunsunni kpa na bu yo sa bo i ko atin su, nyini ti, bu yarada bo bu yo yoori i ni aka ngbeen. ²⁰ Bere nbem la Himenasi ni Alekizanda, bere ye ma fa bu awura Sitana saa nu ka i kere bu ngonle, adena bu sonson kabo ma bu wura Nyeme ngasi nu kun.

2

Kabo i ti ye ni ka ya su Nyeme barasu ni

¹ Deke bo i du mo la ka, m susere am ni anyumbo ro wo, ka, am sere Nyeme ma minem kere, fa

kɔ deke bo i ti bu miɛɛwa su, na am da i asi fa ma sɔnɔ kɛrɛ. ² Sere Nyɛmɛ ma nfɛmɛm, ni bo bu wo yiko woobiri n kɛrɛ, na ya koro wo ni tanalaifɛ, na ya woowa kere ka ya su Nyɛmɛ atin n su ni nahɔrɛ, na ya wo jirima wo ni ya bengɔ. ³ Nyini nyɛmɛsere n ti kpa a, na i sun Nyɛmɛ nu, yiri ti ya Tiidefɔ a. ⁴ Yiri koro ka sɔnɔ kɛrɛ nya tiide a, na bu si nahɔrɛ atin ni. ⁵ Dama ya kɛrɛ si ka Nyɛmɛ kun n kpein wo bɛrɛ a,

na sɔnɔ kun be gusu wo bɛrɛ

bo i yo adamande ni Nyɛmɛ afien dɔŋgu a,

yiri la Yesu Kristo,

⁶ i wu maari adamande na i de bu kɛrɛ tii ji. Kabo i yoori sɔ n kere ka, saŋga bo Nyɛmɛ koro ka i de adamande kɛrɛ tii ji lɛɛ. ⁷ Nyini ti ye Nyɛmɛ yiiri m ka m ba yo Yesu jaramasa, na m kan i labari kpa n kere minɛm bo bu ti má Yuda-fɔm ni, na m kere bu kereewam bo bu ti nahɔrɛ ni. M sukan nahɔrɛ wɔ, m bu má kɔrɛ.

⁸ Deke kɛrɛ bo Kristo jamam tien bu nɔɔ, m koro ka nbiesɔm ye bu saa su sere Nyɛmɛ. Nyini nbiesɔm ni, i ti ye ni ka bu nyɛmɛsu kɔ atin n su, na má yaafa wara akuruwa be wo bu ahore su. ⁹ M koro ka nbaram gusu di sunɔguruya nyunyumi, bo i sɛ su. I ti má ye ni ka bu di bu tiɪŋmie sunɔguruya kɔ sin su, na má bu wura sika, wara aferem bo bu la gɔ agaya, wara suturam bo bu la gɔ agaya. ¹⁰ Ama, bu nyumi kɛrɛ fite bu sakpa yoowa a, kabo i ti ye ni ka nbaram bo bu se ka bu su Nyɛmɛ atin n su n yo ni. ¹¹ I ti ye ni ka nbaram mɔ bu nɔɔ na bu yo bu ŋu bɛnlɛ, na bu so bu sui ti kereewam bo i ti ye ni

ka bu sɔnsɔn i ni. ¹² M soro má su na bu kere nbiesɔm kereewam, wara bu la yiko niɛ nbiesɔm su. Bu dɛɛ la ka, bu mɔ bu nɔɔ. ¹³ Dama Nyemɛ du mɔ yiiri Adam wɔ ka, ye i nya ba yiiri Awa. ¹⁴ Má Adam ye woo dadakaari i a, ama, i dakaari Awa wɔ, na wɔ kete Nyemɛ nɔaniɛ ni. ¹⁵ Ama, nzen nbaram laari yarada, ni koro, ni wo casi, na bu bita bu ɲu nyunyumi sanɓa kere, bu nyá bu tiide fite bu baawu nu.

3

Kristo jama n mɔfɔm ni bukaɓɔm jɔɓɛ

¹ Ahin nɔaniɛ jɔjɔɔwa n ti nahɔɓɛ wɔ, ka, sɔnɔ kere bo i boro i nyi na i yo Kristo jama n mɔfɔ, i mi koro juma kpa lɛɛ. ² Kristo jama n mɔfɔ ni, wɔ yo daka ka má i la ɲgasi be, na i ja bara kun n kpein, na i bita i ɲu, na i la tarabuɲu, na i yo sa bo i la anyunuyi. I ti ye ni ka i de wɔfɔm, na i koro kere minem Nyemɛ nɔaniɛ nyunyumi. ³ I ti má ye ni ka i nu nzan agaya, wara i ti aluwa korofɔ, ama, i yo i ɲu benlɛ, na i koro tanalaifɛ. I kaaki ti má ye ni ka i koro ɲwaa agaya. ⁴ Wɔ yo daka ka i koro bita i awurufɔm nyunyumi, na i ma i nbaam de i nɔaniɛ na bu ma i jirima deke kere nu. ⁵ Dama nzen sɔnɔ koro bita má i awurufɔm, i mi yo se koro bita Kristo jama n a? ⁶ I ti má ye ni ka i mi ti Yesu susufɔ fɔfɔɓɛ, adena má i wura i ɲu kpiri na Nyemɛ di i jɔɓɛ yo i ɲgbɛɛn kabo i yoori Sitana ni. ⁷ Wɔ kaaki ayo daka ka i mi ti sɔnɔ bo minem bo bu ti má Kristo jama n nufɔm ma i jirima, adena, má Sitana nya i taraabiri na i yo sa be bo i di nyinse.

⁸ I ti sɔɔ fa kɔ Kristo jama n bukafɔm gusu dɔ. Wɔ yo daka ka bu ti minɛm bo bu la anyunuyi, na má bu yo anɔɔ nnyɔ nnyɔfɔm, na má bu nu nzan agaya, na má bu nyunu boro n̄waa kpini su. ⁹ Wɔ yo daka ka bu subita Kristo jama n kereewa n bo Nyɛmɛ ayi akere n kenken, na bu la má n̄gasi be bu sunsunni nu. ¹⁰ I ti ye ni ka bu du mɔ fiti bɛrɛ Kristo jama n bukafɔm ni na bu niɛ. Na nzen bu la má n̄gasi be, am ma bu yo bukafɔm n juma ni. ¹¹ I ti sɔɔ nbaram gusu dɔ. Wɔ yo daka ka bu ti minɛm bo bu la anyunuyi, na má bu susaaki mineɛ duma. Wɔ yo daka ka bu bita bu n̄u, na bu la dabuɔ deke n kɛrɛ nu. ¹² Kristo jama n bukafɔ, i ti ye ni ka i ja bara kun n kpein, na i koro bita i nbaam, ni i dikafɔm nyunyumi. ¹³ Nyini bukafɔm bo bu yo bu juma na i kɔ atin su ni, bu kpini duma kpa ma bu n̄u wɔ, na bu kaaki koro jɔjɔ ni ahoresi kabo bu yo Yesu Kristo yarada ni.

Kereewa n bo Nyɛmɛ ayi akere Kristo jamam ni

¹⁴ Kabo m sukɛrɛ ahin kadasi n ma u ni, m la tama ka m bá u dɔ kisa. ¹⁵ Ama, nzen haari ma ba aba má nde, ahin kadasi ni má a si kabo wɔ yo daka ka Nyɛmɛ minɛm wo ti barasu a. Bɛrɛ ti Kristo jama n a, yiri n bo i wo bɛrɛ san̄ga kɛrɛ n dɛɛm a, bɛrɛ bita i kereewa n bo i ti nahɔrɛ n kenken a, kabo sɔɔ fa seewa n ni i jantaraka n bita i kenken ni. ¹⁶ Be koro kete má ka ya nyɛmɛsu atin n bo i wo asiri nu la má an̄usu, ka o,
 “Na wɔ kaaki adamande ayi i n̄u fofoe nu.

Na Nyeme Awiewie Casi n akere ka wo yo sa bo i sun Nyeme nu.

Na Nyeme merékem anu i.

Na i susufom n akó ajójo i jore durunya n kere nu.

Na durunya n nufom dongu ayo i yarada.

Na Nyeme afa i akó awo i bi angoro, jirima kere woobiri ni.”

4

Nɔaniɛ barasu barasu bo Pɔɔlu fa maari Timoti ni

¹ Awiewie Casi n ajójo wein ka, ahin awieeri su sanja n bo ya wo nu ni, mine nbem yáki bu yarada atin ni, na bu su ajinim bo bu dadaka minem su, ni bu kereewam ni. ² Nyini kereewam so fite minem bo bu ti dadakafom na bu nati bu kore n do o, bo bu sunsunni akaaki haari na bu yo satie mmoo, na bu sunsunni ma má bu ka ba yo satie. ³ Nyini minem so kere minem wo, ka, má bu ja ajaa, na má bu kaaki di diire barasu nbem. Ama, Nyeme ayi nyini diirem n ka ya di bu wo, nyini ti, yere bo ya yo i yarada na ya si kabo nahore atin n ti barasu ni, i ti ye ni ka ya sere Nyeme, na ya da i asi ka, na ya nya di bu. ⁴ Deke kere bo Nyeme ayi i ti kpa a, deke be wo má bere bo ya kete i, ama, i ti ye ni ka ya de i na ya da Nyeme asi, ⁵ dama Nyeme nɔaniɛ n ni nyemesere ma nyini diire n yo casi wo Nyeme do.

⁶ Nzen a faari ahin kereewam kere ya ninbaam ni, nyini kere ka a ti Yesu Kristo amusuisufo kpa. Nyini kereewam bo a du mo ade bu ni, na a yo bu

yarada, na a si ka bu ti nahore, na a su bu su ni, bu ti ka diire bo i ma u fanja n wo. ⁷ Ama, kete jore ngbeengbeeen bo bu ko ma Nyeme atin su ni, na a boro u nyi na a sɔnsɔn sa bo i ko Nyeme atin n su nahore su. ⁸ Dama sa bo a boro u nyi yo i na i buka anuniembaa n fanja n la kperɛ kaan, ama, nzen a boro u nyi yo Nyeme dɛɛ atin n su sa, i la kperɛ beberebe, nyini ma a si ka a nyá deke kpa kisa, na a káaki nya deke kpa buka su fa ko fa ba. ⁹ Nyini noaniɛ n ti nahore wo, bo i ti ye ni ka ya de i na ya yo i yarada. ¹⁰ Nyini dɛɛ ti, ye ya boro ya nyi, na ya yo juma ni nahore su, dama ya daafi Nyeme nu, yiri wo bere sanja kere a, yiri ti mine kere Tiidefo a, maala bo bu yo i yarada ni.

¹¹ Fa ahin kereewam n fa kere bu, na a ma bu su bu su. ¹² Má a ma be bu u ngbeɛn ka a ti gbefene n dɛɛ ti, ama, ma yaradayofom ni nu u sayoowam na bu sɔn u su. Bere la u noaniɛ jojoowa, ni deke bo a yo i, ni kabo a koro minem ni, ni u yarada n bo a la i ni, ni u woowa casi ni. ¹³ Yo anie na a sukan Nyeme Jore Kadasi n na Kristo jama n ti, na a sukan Nyeme jore, na a sukere minem Nyeme atin ni, na m nya ba. ¹⁴ Má a ma u wara fi aceeri n bo Awiewie Casi n fa maari u ni, sanja bo i noaniɛ kanfom jojori na Kristo jama nkpienkpienm faari bu saa nanaari u nu sereeri Nyeme maari u ni, ma u cɛɛ wo i nu, na a fa i yo juma. ¹⁵ Yo ahin juma ni anyumbo na a fa u nu ma nyinim kere, adena minem kere nu kabo u nyemesu n ko atin su barasu. ¹⁶ Si u nu sa ni u kereewam ni. Ko su suyo ahin sam ni, dama nzen a nya yoori so, woro ni minem kere

bo bu ti u noaniε ni nyá tiide.

5

Kabo i ti ye ni ka Kristo jama n mɔfo n bita i jama n barasu ni

¹ Má a tien kpien ηu, ama, jɔɔ i dɔ kabo a jɔɔ u si dɔ ni, na a tu ngbefenem fɔ ka u ninbaam, ² na a fa nbara nkpienm yo ka u nim, na a fa tarawam ni nsungurum yo ka u ninbaam, na u ni bere wo ni ahorembaa casi.

³ Bita nkunafɔm bo bu la má bukafɔ be n ni jirima. ⁴ Ama, nzen kunafɔ la nbaam, wara anumam, i ti ye ni ka bu suniε i dika kabo Nyeme koro ni. Nyini kere ka, bu sufa bu wufɔm ηkatɔ tɔ bu kaari wɔ lεε. Dama nyini n sɔ yo Nyeme fiε a. ⁵ Nzen kunafɔ wo i ηgumi na i la má bukafɔ be, wɔ fa i tama kere awura Nyeme saa nu lεε. Na i susere Nyeme jande wiesu ni kɔngue ka i buka i. ⁶ Ama, kunafɔ kere bo i nati yo i kunnu koroowa, haari ni bo i la ηgɔɔ mmɔɔ ni, i ti ka wɔ wu wɔ lεε. ⁷ Fa ahin kereewam kere kere nkunafɔm, ni bu dikafɔm, adena má be ηu bu ηgasi. ⁸ Ama, nzen be cεce wo má nu ka i niε i lamɔsim dika, maala i dikafɔm, i ti ka i mi akete Kristo atin n lεε. Nyini sanɔa ni, sɔnɔ bo wɔ yo má yarada tara i mi cɔ lεε.

⁹ Kunafɔ kere bo wɔ nya ju má afɔ aburasen, má a kere i duma buka Kristo jama nkunafɔm su. Bekun, na i ti bo wɔ du mɔ aja biεsɔ kun wɔ, ¹⁰ na minem di i daani ka i yo sakpa a, má pui ti, i ti bo wɔ ta nbaam ataari kpa, na wɔ de wɔfɔm i dika, na wɔ yo i ηu kaan ka i su Nyeme minem,

na wɔ buka minem bo bu woori kekereke nu, na wɔ su amusui kpa.

¹¹⁻¹² Ama, nkunafom bo bu nyunu nya ti má ni, má a kɛɛ bu duma buka nkunafom n su, dama nzen ajaa konvi ba wuraari bu na bu koro ka bu kaaki ja ajaa, nyini sangá, sesesu bo bu faari i na bu diiri i di ni Kristo ni, bu koro su má i su ni nahɔɛ su lɛɛ, bu yaki i wɔ, na bu kaaki bu sin bo Kristo lɛɛ. Nyini ti ye Nyeme dí bu jɔɛ cin bu sui a. ¹³ Bekun, nyini ma bu koro ba yo nviɛyafom na bu ba sunati awuru awurum nu, i ti má ka bu yo nviɛyafom ngumi wɔ, ama, na bu sukpara tere, na bu sufa bu nɔɔ suwura minem jɔɛ nu, na bu sujɔɔ jɔɛm bo wɔ ti má ye ni ka bu jɔɔ bu. ¹⁴ Nyini ti, mini dɔ, nzen nkunafom toko ti tarawam, i ti ye ni ka bu ja na bu wu nbaam, na bu bita bu awurum, na má ya kpɔfom koro ɲu ngasi be bo bu koro nya atin jɔɔ ya ngbɛɛngbɛɛn kabo bu koro. ¹⁵ Dama nkunafom nbem adu mɔ akete Kristo atin n asu Sitana su. ¹⁶ Ama, Kristo susufɔ bara kɛɛ bo nkunafom wo i dika, i ti ye ni ka yiri ni i tii niɛ bu dika, na má bu fa bu fie fie Kristo jama n ni, adena Kristo jama n koro niɛ nkunafom bo bu la má bukafɔ be fieo n su.

¹⁷ Kristo jama ni nkpienkpienm bo bu yo mɔfɔ juma nyunyumi ni, i ti ye ni ka bu nya bu ɲkato busu nnyɔ, maala bɛɛ bo bu yo bu juma ni anyumbo ka bu kan Nyeme jɔɛ na bu kaaki kere minem Nyeme atin n ni. ¹⁸ Dama ba kɛɛ i Nyeme Jɔɛ Kadasi n nu ka, “Nzen a bita toora subobo ngani, má a cici i nɔɔ.” Na ba kaaki akɛɛ ka, “I ti ye ni ka jumayofɔ nya i ɲkato.”

¹⁹ Má a se ka a de jore be bo ba kpie aso Kristo jama n bukafɔ n kpien be, má ka mine nnyɔ, wara nsan adi jore n daani ka i ti nahɔre. ²⁰ Ama, bo bu yo satie ni, se bu nahɔre jama n kere nyunu, adena nyingam kere soro sere. ²¹ M sumu u noanie lee, Nyeme ni Yesu Kristo ni merékem kere nyunu, ka, a de ahin kereewam ni, na má a fa tantambunu, wara má a koro be tara be fa kɔ deke kere bo a yo i n su. ²² Má a koro nde na a fa u saa nana sɔnɔ be ɲu, na a sere Nyeme ma i mi ka i yo Nyeme juma, má a ma u saa n wo be dee satie yoowa n nu. Ma u woowa yo casi.

²³ A la má laifie sangga sangga n dee ti, má a nu nzue ɲgumi, ama, nu nzan mmɔɔ kaan, na i buka u fa kɔ akunnuyaari n bo i yaki má u ni.

²⁴ Mine nbem satie yoowa kere kaba da fofoe nu wɔ, na sɔnɔ kere ɲu i, nyini satiem ye Nyeme fá di bu jore a, ama, na nbem gusu dee satie bo bu yo i bá fite fofoe nu kasin. ²⁵ I ti sɔ ɔ lee bekun, sakpa ti deke bo sɔnɔ kere ɲu i fofoe nu wɔ, na nzen haari sakpa bo i wo má fofoe nu ni mmɔɔ, i ti deke bo bu koro fie má i.

6

¹ Kristo jama nbaam bo bu ti akɔɔm ni, i ti ye ni ka bu ma bu mibiem jirima nyunyumi, adena be koro saaki má Nyeme дума, wara ya kereewam ni. ² Akɔɔm bo bu mibiem gusu ti yaradayofɔm ni, i ti má ye ni ka bu bu mibiem ɲgbɛen ka bu kere ti yaradayofɔm n ti, ama, i ti ye ni ka bu su bu tara mibiem bo bu ti má yaradayofɔm ni, dama bere n bo bu sudi bu amusui n kperɛ n ti bu ninbaam bo bu koro bu wɔ.

Kereewa bo i kɔ má atin su ni ɲwaa koro awaraye ʝɔɛ

Fa ahin kereewam n kan kere u jama n na a se ka bu yo bu. ³ Minɛ nbem wo bɛɛ bo bu kere kereewa nbem bo bu ni ya dɛɛ n ti má kun, na bu sunsun ka ya Mibiɛ Yesu Kristo dɛɛ nɔaniɛ kereewam n ti kɔɛ wɔ, na bu kereewam kaaki su má Kristo dɛɛ atin n su. ⁴ Nyini minɛm n ti kpirikorofɔm wɔ, na bu kaaki si má pui. Na bu la sunsunni tiɛ, na bu se akuruwa ni minɛm fa kɔ nɔaniɛ kereewam bu. Nyini ma bu si kɔɛ a, na bu di aluwa, na bu kpiɛ bu beɲgu nzukɔ, na bu la sunsunmase fa kɔ bu beɲgu dɔ, ⁵ na bu nati suse akuruwa. Bu la má sunsunni kpa, na nahɔɛ wo má bu dɔ. Na bu sunsun ka nzen sɔnɔ su Nyɛmɛ atin su, i nyá kperɛ wɔ. ⁶ I ti nahɔɛ wɔ, sɔnɔ kɛɛ bo i nyunu yi deke bo i la i, na i su Nyɛmɛ atin su, i mi nyá kperɛ Nyɛmɛ dɔ. ⁷ Dama ya fa má pui aba má ɖurunya n nu fɛn. Ya kaaki koro fa má pui fite má fɛn. ⁸ Nyini ti, nzen ya la diirem ni suturam, i ti ye ni ka ya nyunu yi bu. ⁹ Ama, minɛm bo bu nyunu aboro neɲge kpini su agaya, na bu koro ka bu nya ajɛkɛ beberebe ni, bu nyini neɲge koro n sɔ bu ɲgɛɛ wɔ, na i nya bu taraabiri fa kɔ bu konvikiya sunsunni ɲgbɛɛn-ɲgbɛɛn n su. Nyini ma bu kpaasi a, na bu ka ɲgbɛɛn. ¹⁰ Dama ɲwaa koro awaraye ti satie kɛɛ bunlui a. Nbem wo bɛɛ bo bu koro ɲwaa agaya, nyini sɔ ma bu kaaki bu sin bo Kristo atin n wɔ, na i fa bu wura ahoresaaki bambaka nu.

Kabo Pɔɔlu maari Timoti nɔɔ ka i yo i juma barasu ni

¹¹ Ama, wɔrɔ Timoti, a ti Nyemɛ sɔnɔ ɔ, nyini ti, i ti ye ni ka má a dodo nyini sam kere be. Boro u nyi na a yo sa bo i kɔ atin su, na a su nyemɛsu atin n su, na a yo i yarada, na a koro minem, na a la mindi, na a wo benle. ¹² Boro u nyi na a tu ŋgoni kpa bita u yarada n kenken. Nyini má a di nasara, na a nyá ŋgɔɔ n bo i la má awieeri ni, ahin ŋgɔɔ n ye Nyemɛ fereeri u ka i fá ma u a, na wɔrɔ ni u tii diiri i daani mine beberebe nyunu ni. ¹³ Nyemɛ ma deke n kere ŋgɔɔ a, na Yesu Kristo gusu jinaari Gomina Pɔntiyo Pilato nyunu diiri daani kpa, nyini deɛ ti ye m suma u nɔɔ Nyemɛ ni Yesu Kristo nyunu n a, ¹⁴ ka, a yo u juma n bo Nyemɛ afa ama u n ni nahore su, na u woowa ti casi na má be koro ŋu u ŋgasi be, haari fa kɔ ju cɛen n bo ya Mibiɛ Yesu Kristo bá kpie i nyi ba ni. ¹⁵ Nyemɛ afa nyini saŋga n bo i koro ka Yesu ba n afa ase, nyini saŋga n juuri, ye Nyemɛ má i ba a. Yiri ŋgumi nie deke n kere su ye kansi wo i dɔ a. Yiri ti nfemɛ ŋgbingbirim kere Feme a, na i ti mibiɛm kere Mibiɛ. ¹⁶ Yiri ŋgumi kpein wo bere saŋga kere a, na i woobiri n bo i wo n ti wein wɔ, na be koro dodo má nyini wein ni. Be nya ŋu má i cɛen be da, be gusu koro ŋu má i wɔ mmɔɔ cɛen be cɛen be. I deɛ la jirima ni faŋga, saŋga kere. Ami.

¹⁷ Se bo bu la ajekɛ durunya n nu fɛn n ka má bu fɔ, na má bu fa bu tama gɔ nyini ajekem bo bu cɛ má n ŋu, ama, bu fa gɔ Nyemɛ ŋu, yiri bo i ce ya deke n kere kɔ sin su n na ya fa yo ya koroowa ni. ¹⁸ Se bu ka bu yo sakpa dɔŋgu, na bu ce aceerim, na deke kere bo bu la i, na bu sukpaaki nu ma nyiŋgam. ¹⁹ Nzen bu nya yoori

sɔ, i ti ka ba tien ajεke nɔɔ abo i bu afa ase fa kɔ fa ba lεε, adena bu nyá ηγɔɔ n bo i ti ηγɔɔ nahɔre su ni.

²⁰ Timoti, nie deke bo Nyεμε afa ama u ka a nie i dika n su nyunyumi. Cin u ηu yaki minem bo bu jɔjɔ jɔjɔɔwa ηgbεεηηgbεεn na bu bu má Nyεμε, na bu sunsun ka bu si wɔ, ama, bu si má pui. ²¹ Dama nbem afun ajina su ka bu la si, nyini dεε ti, ba mini Kristo atin ni.

Nyεμε buka am kεre.

ΝΥΣΜΕ ΙΟΥΕ ΚΑΔΑΣΙ
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 21 Feb 2024 from source
files dated 29 Jan 2022

fe36d0e6-2a60-5e15-8d1c-8bf275389598